

续宏简录

續宋簡章

卷之二十一

皇清詹事府少詹事仁和邵遠平

雜錄

李璫 三文統 鐵失 囊加台 禿堅 阿魯輝

李羅帖木兒 擴廓帖木兒 上叛 李邦寧 朴不花

埜先帖木兒 上官 八思巴 附膳 楊璉真 附必蘭 伽璘

丘處機 附神 張宗演 附張留孫 鄺希誠 附張 李居壽 上

田忠良 張康 靳德進 父愛薛 許國禎 子孫 孫威

阿老瓦丁 附亦思 阿尼哥 附劉 迦魯納答思 上方 韓林兒

附福通 徐壽輝 附明 陳友諒 張士誠 方國珍 上補遺

李璫小字松壽濰州人李全子也 或曰璫本衢州徐氏子父

太祖十六年全叛宋迎蒙古兵入青州國王李魯承制授全

東淮南楚州行省太宗三年全攻宋揚州敗死壇夔益都行
得專制其地朝廷數徵兵輒詭辭不至憲宗南征調其兵赴
在壇親見帝言益都乃宋航海津要分軍非便帝然之命還
漣海數州壇遂發兵攻拔漣水相連四城大張尅捷之功中
元年世祖卽位加江淮大都督壇言近謀知宋人將調兵攻漣
水且遙聞許浦射陽湖舟艦相望勢欲出膠西向益都請繕
塹爲備詔出金符十銀符五授之賞將士凡蒙古漢軍之在
者咸聽節制壇復揚言宋呂文德合淮南兵七萬五千來攻
漣水且規築堡寨以臨我及得賈似道書辭甚悖傲知朝廷
近有內顧憂必將肆志於我乞選將益兵臣當帥先渡淮以
雪慢書之辱執政得奏諭以朝廷方通和議邊將淮當固守
封圉且南人多用間計不可信敵既不至毋或妄動壇又言
臣所領益

土曠人稀自立海州迄今八載將士未嘗釋甲轉輓未嘗恤民力凋耗獨甚以區區一路之兵抗一敵國衆寡不侔人斷患賴陛下神武旣克漣海二州復破夏貴孫虎臣十餘萬衆臣豈敢恃此保敵人之不再至哉且宋人今日西無掣肘之患并力而東若以水陸綴漣而遣舟師遵海以北直壽膠萊之墟然後帥步騎驟指沂莒滕嶧間則山東非我有矣豈可易視而不爲備臣昨追敵至淮安非不能乘勝取揚楚徒以執政止臣故臣不敢深入若以棗陽唐鄧陳蔡諸軍攻荆山取壽泗以毫宿徐邳諸軍合臣所統兵攻揚楚則兩淮可定兩淮旣定則選兵以取江南自守以寬民力將無施不可因上將校等功狀乞出益都官銀分賞之二年正月瑄言於行省謂宋人聚兵糧士萬列艦萬三千艘于許浦以侵內郡而宣撫司轉輸不繼

一旦水陸道絕緩急莫報請選精騎倍道來援表裏協攻乘
深入江淮可圖也旣而來獻漣水捷詔復加獎諭仍給金符十
七銀符二十九增賜將士璫輒發兵修益都城塹且報宋人來
攻漣水帝遣愛仙不花等悉兵赴援璫固請節制諸道所集軍
且求益軍器詔給矢十萬三年二月又以賈似道誘總管張元
張進等書來上蓋璫自專制山東三十餘年前後所奏數十事
無非挾敵國以要朝廷而自爲完繕益兵計初遣其子彥簡質
於朝而潛爲私驛自益都至京師質子營至是彥簡乘私驛逃
歸璫遂反以漣海三城獻於宋并獻京東諸郡縣請贖父罪宋
封璫齊郡王俾璫蒙古戍軍以麾下具舟艦還攻益都入之發
庫藏以犒其黨尋遣騎寇蒲昌陷淄州民聞璫反皆入保城郭

事發諸軍討之一會東平一會濱棣命諸王哈必赤總軍事
據濟南三月復命史樞阿朮以兵赴濟南壇帥衆出掠輜重
將及城官軍邀擊大敗之壇退保濟南四月命丞相史天澤專
征比至築環城圍之壇自是不得出猶日夜拒守取城中子女
賞將士以悅其心且分軍就食民家盡發其葢藏不足則家予
之鹽令殺人爲食於是人情益潰各什伯相結縋城出降六月
宋遣青陽夢炎帥師來援不敢進壇知城且破乃手刃愛妾乘
舟入大明湖自投水中不死爲官軍所獲囚至諸王哈必赤帳
前天澤請速誅之以安反側遂支解其體於軍門計壇所傷陣
水軍民及陷宋蒙古探馬赤軍數男婦凡七千九百餘人萬戶
阿里必嘗發壇逆謀爲所殺至正十一年以其子刺吉襲職

方大

通鑑云宋贈壇檢校
太師賜廟額曰顯忠

賣公廟祭

宋

三

雜行

王文統字以道益都人少讀權謀書好以大言撼人遍于諸侯
無所遇乃往見李璫璫與語大悅留置幕府命其子彥簡師事
之文統卽以女妻璫由是軍旅之事咸與諮決歲上邊功虛張
敵勢以固其位用官物樹私恩取宋漣海二郡皆文統謀也世
祖卽位有薦其才智者亟召用之命平章中書省事日見親幸
乃建元爲中統立十路宣撫使司示以條格欲差發辦而民不
擾鹽課不失常額交鈔無致阻滯更造中統元寶交鈔立互市
于潁州漣水光化軍大方通鑑云文統初造此幣行交鈔以絲爲本以革諸路行用鈔法少弊其法以銀五
平兩易絲鈔千兩繼造中統通行元寶每一貫明年二月世祖
商交鈔一兩兩貫同白銀一兩未及行而罷在開平召行中書省事禡禡與文統親率各
宣撫使赴闕世祖自去秋親征叛王阿里不哥于北方凡民間差發宣課鹽鐵
諸事一委文統裁處及還未知可否故名文統等全責以成效

復頒所議條格于各路申嚴私鹽酒醋麴貨禁信任倍專文統
爲人忌刻惟以妒賢嫉能爲心初立中書省張文謙爲左丞凡
議論建白輒相齟齬文統積不平思有以陷之又謙竟以本職
行大名宣撫事去姚樞竇默許衡皆世祖所敬信老文統諷世
祖授三人爲太子師傅官佯尊之實不欲使朝夕備顧問也默
嘗與王鶚及樞衡同侍世祖而詆文統曰此人學術不正必禍
天下不可處以相位世祖且不懌而罷文統乃不自安潛蓄異
志及李壇反以漣海三城獻於宋先是壇子彥簡由京師逃歸
壇遣人白之中書及反書聞人言文統嘗遣子堯興與壇通聲息
世祖名問曰汝敎壇爲逆積有歲年舉朝皆知之朕今問汝所
謀云何文統曰容臣悉書以對書畢命讀之有曰螻蟻之命苟
獲存全保爲陛下取江南世祖曰汝今日猶欲緩頰於朕邪會

得文統與璵書上示之文統始錯愕駭汗書中有期甲子語上問甲子之期云何對曰李璵久蓄反心以臣居中不敢卽發臣告陛下縛璵久矣第緣陛下加兵北方猶未靖也比至甲子猶可數年臣爲是言姑遲其反世祖曰無多言朕拔汝布衣中授之政柄遇汝良厚何負而爲此文統猶支吾命左右斥出就縛立名寶默姚樞王鶚及張柔等至示以前書曰汝等謂文統當得何罪衆言人臣無將將則必誅柔獨疾聲大言曰宜嗣世祖曰汝等同辭言之皆曰當死世祖曰柔亦自服朕前矣文統乃伏誅子堯并就戮文統雖以反誅而元之立國規模法度世謂多出其手云

鐵失故丞相鐵木迭兒義子也當英宗卽位之初由翰林學士承旨爲宣徽太醫二院使至治元年特授御史大夫佩金符領

忠翊侍衛親軍都指揮使依前院使如故既又命領左右阿速
衛軍帝親祀太廟以左丞相拜住爲亞獻官鐵失爲終獻官治
書侍御史鎖南者鐵木迭兒子也先以罪罷鐵失請復其官帝
不許嘗謂臺臣曰朕深居九重臣下姦弊豈能周知故用卿等
爲耳目曩者鐵木迭兒貪蠹無厭汝等何緘默不言其人雖死
宜籍其家以懲後司徒劉夔坐妄獻地土冒取官錢伏誅鐵木
迭兒子宣政使八刺吉思受夔冒獻鐵失同受賂事覺帝曰法
者祖宗所制非朕得私八刺吉思雖事朕久既有罪宜論如法
卽誅之鐵失幸獲免命獨署御史大夫事會御史臺請降旨開
言路帝曰言路何嘗不開但卿等選人未當耳朕知嚮所劾者
率因宿怨羅織成獄加之以罪遂玷其人終身不得白御史嘗
舉八刺吉思可任大事未幾以貪敗若此者言路選人當乎否

乎是時鐵木迭兒旣死罪惡日著帝任拜住爲右相思欲振立紀綱進賢退不肖爲務嘗戒羣臣曰卿等居高位食厚祿當善自保若爲不法必刑無赦鐵失以奸黨畏誅潛蓄異圖三年秋八月帝自上都還駐蹕南坡是夕鐵失與知樞密院事也先鐵木兒諸王按梯不花等相聚謀逆以鐵失所領阿速衛軍爲外應夜二鼓殺丞相拜住鐵失直犯行幄手弑帝于臥所九月四日晉王卽位收鐵失及其黨誅之大都籍其家并戮其子孫囊加台未詳何許人文宗初官四川行省平章時泰定帝方崩丞相倒剌沙擁兵上都令諸王分道犯京畿囊加台乘國釁擅殺本省平章寬徹等自稱鎮西王以左丞脫脫爲平章前雲南廉訪使楊靜爲左丞稱兵燒絕棧道烏蒙教授杜巖肖謂聖子繼統宇內大寧當罷兵入朝囊加台怒其妄言惑衆杖囚之

史臺言囊加台拒命西南罪不容逭宜追奪其勅帝方許自新弗聽天曆二年正月遣近侍星吉班持詔招諭拒不從遂攻播州猶兒瑄監宣慰使楊燕里不花開關納之陝西蒙古軍都元帥不花台者囊加台弟也遣使賞家兩招之不花台不從斬其使播州楊萬戶引川賊至烏江峯遇官軍敗之八番元帥脫出亦破烏江北岸賊奪回關口旣而囊加台焚鷄武關大橋奪三义柴關等驛以書誘鞏昌總帥汪延昌分兵至金州據白工關進逼襄陽朝命鎮西武靖王搠思班調湖廣兵討之齊王魯帖木兒統軍五萬至播州招各土官之從逆者楊燕里不花等降囊加台益負險自固詔立行樞密院以山東萬戶也速答兒知院事調河南江浙江西山東兵萬人及左右翼侍衛軍由四川進討囊加台所遣守隘礮門安撫使布答思監等赴

雲南乞降復命躍里帖木兒爲雲南右丞統兵繼往會湖廣參政孛羅奉詔至四川曲赦囊加台聽詔蜀地始平諸省兵皆罷囊加台坐指斥乘輿大不道伏誅平章寬徹廉訪使忽都魯養阿等皆爲其所害者並贈官與諡

諸王禿堅者先附上都兵敗而逃文宗至順元年正月與萬戶伯忽阿禾等據雲南叛陷中慶路殺廉訪司官尋攻陷仁德府至馬龍川禿堅自立爲雲南王以伯忽爲丞相阿禾忽刺忽等爲平章立城柵焚倉庫拒命朝廷簡乞住爲雲南平章帖木兒不花爲左丞從豫王阿剌忒納失里由八番分道進討遙授烏蒙土官祿余爲雲南參政使助軍四月四川行省復調重慶五路軍救雲南未幾祿余殺烏撒宣慰官降於伯忽孛羅羅斯諸蠻俱叛與伯忽應帖木兒不花遇害祿余以蠻兵據順元界立關

固守復命諸王云郁思帖木兒將江浙河南江西兵以進五月
羅羅斯土官撒加伯阿漏阿刺里州土官德益等皆附祿余以
叛會四川軍至雲南雪山峽遇羅羅斯軍敗之賊稍却朝議復
立行樞密院發朶甘思朶思麻及鞏昌諸軍命河南平章徹里
鐵木兒同武靖王搠思班由四川陝西平章教化從豫王出八
番兩路夾擊撒加伯乞烏蒙土兵攻建昌右丞躍里帖木兒拒
之斬獲亡算四川軍亦敗撒加伯于蘆古驛而禿堅伯忽等勢
日猖獗祿余亦乘勢連結東川芒部諸蠻令伯忽弟拜延順襲
順元路撒加伯復撤毀棧道遣把事曹通潛結西番欲據大渡
河進寇建昌躍里至建昌執曹通斬之詔趣兩省各進兵於是
四川平章瑄出引兵由永寧左丞孛羅引兵由青山芒部以叩
部州土官馬伯爲嚮導陳兵周泥驛祿余衆潰卽奪其關隘與

順元諸軍合撒加伯復攻建昌躍里與戰于木托山敗之既而仁德府權達魯花赤曲木糾義旅討雲南敗伯忽兵于馬龍川殺其弟拜延順再戰于馬金山獲伯忽誅之餘黨駭散獨祿余猶據金沙江會增出等將蜀兵抵烏撒境與祿余戰于七星關六日凡十七戰賊大潰走俄而搠思班師次羅羅斯與躍里帖木兒期至三泊耶躍里偕道兼往奪金沙江阿禾引蒙古叛軍至戰敗之阿禾夜遁大兵直趨中慶與賊連戰禽阿禾斬于軍前旣而禿堅拒戰于伽橋古壁口兵方交躍里中流矢洞耳後拔矢復戰大捷遂復省治分兵追捕禿堅于嵩明州次年正月徹里鐵木兒孛羅等敗蠻兵射中祿余肩降其眾豫王阿剌忒納失里至當當驛安輯人民禿堅使其弟必刺都迷失僞降於魯王陰以師圍之平章乞住妻子皆被掠禿堅方繕城固守諸

軍協力攻破之禿堅不知期往事平各班師未幾撒加伯復據
良民爲亂祿余又會伯忽廕阿福領蒙古叛兵殺烏撒官吏遣
西域指揮使鎖住發陝西兵直抵羅羅斯礮門兵截大渡河直
趨邛部州五戰大破之蒙古元帥怯烈擊賊于靖江路海中山
破其柵禿堅弟必刺都迷失舉家赴海死

阿魯輝帖木兒太宗八世孫也襲封陽翟王順帝初立阿魯輝

進曰天下事重宜委宰輔決之庶可責其成效若躬自聽斷必
負惡名帝信其言由是深居宮中每事無所與至正二十年汝
頴盜猖獗天下震動帝屢詔宗王俾出北方兵南討阿魯輝乘
間擁衆數十萬屯木兒古兀徹之地脅宗王反將犯京畿遣使
言於帝曰祖宗以天下付汝汝何故失其大半若持國璽授我
我當自爲之帝神色自若徐曰天命有在汝欲爲則爲之數降